

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA VITEZ**

**JU „INTERNACIONALNA LJEKARNA/APOTEKA“
VITEZ**

S T A T U T

JAVNE USTANOVE „INTERNACIONALNA LJEKARNA/APOTEKA“ VITEZ

**Vitez,maj/svibanj
2019. godine**

Na osnovu članka 54.Zakona o zdravstvenoj zaštiti (Sl. Novine SBK/KSB broj:13/00, 13/02 i 13/03), člana 21. Odluke o osnivanju Javne Ustanove „Ljekarna/ Apoteka“ Vitez («Sl. Novine Općine Vitez»,broj 6/03 i 2/05), na osnovu Odluke općinskog vijeća broj: 01-3-05-20-999/11, o izmjeni Odluke o osnivanju Javne ustanove Ljekarna/Apoteka Vitez, Odluke o promjeni statusa JU „Ljekarna/apoteka“ Vitez sa izmjenama i dopunama Statuta, te na osnovu Odluke općinskog vijeća broj: 01-3-01-2-485/2019 o davanju saglasnosti na izmjenu Statuta JU „Internacionalna Ljekarna/apoteka“ Vitez, Upravno vijeće/odbor JU »Internacionalne Ljekarne/apoteke« na sjednici održanoj **26.05.2019.** godine, d o n o s i:

S T A T U T

JAVNE USTANOVE „INTERNACIONALNA LJEKARNA /APOTEKA“ VITEZ

I OPĆE ODREDBE

Član 1.

Statut je osnovni opći akt Javne ustanove "Internacionalne Ljekarne/apoteke" (u daljnjem tekstu:Internationalna Ljekarna/apoteka) kojim se:

- uređuje organizacija Internacionalne Ljekarne/apoteke;
- određuje način odlučivanja direktora i Upravnog vijeća/odbora;
- uređuje način na koji donosi odluke, u vezi sa poslovanjem u Internacionalnoj Ljekarni/apoteci
- uređuje i druga prava i obaveze direktora i Upravnog vijeća/odbora;
- uređuje i druga pitanja u vezi s obavljanjem zdravstvene djelatnosti te radom i poslovanjem Internacionalne Ljekarne/apoteke u skladu sa Statutom.

II PRAVNI POLOŽAJ

Član 2.

Internationalna Ljekarna/apoteka je zdravstvena ustanova u državnoj svojini osnovana Odlukom o mreži primarne zdravstvene djelatnosti za područje Srednjobosanskog Kantona/Kantona središnja Bosna ("Sl. novine SBK/KSB" broj: 11/02) i Odlukom o osnivanju Javne ustanove «Internationalna Ljekarna/apoteka»(Sl.novine Općine Vitez broj:6/03 i2/05).

Član 3.

Internationalna Ljekarna/apoteka ima svojstvo pravnog lica.

III NAZIV I SJEDIŠTE

Član 4.

Internacionalna ljekarna/apoteka posluje pod nazivom Javna ustanova „Internacionalna ljekarna/apoteka“ Vitez, sa potpunom odgovornošću.

Skraćeni naziv Javne ustanove je : JU «Internacionalna ljekarna/apoteka» Vitez, p.o.

Član 5.

Sjedište Internacionalne ljekarne/apoteke je u Vitezu u ulici Hrvatskih branitelja 2A (u zgradi JU Dom zdravlja Vitez)

Član 6.

Internacionalna ljekarna/apoteka ima račun kod izabrane poslovne banke.

Član 7.

Internacionalna ljekarna/apoteka ima svoj grafički amblem.

Odluku o grafičkom amblemu Internacionalne ljekarne/apoteke donosi Upravno vijeće/ odbor Internacionalne ljekarne/ apoteke.

Član 8.

Internacionalna ljekarna/apoteka može promijeniti naziv.

Inicijativu za promjenu naziva Upravno vijeće/odbor podnosi osnivaču.

Član 9.

Internacionalna ljekarna/apoteka ima okrugli pečat prečnika 50 mm u kojem je ispisan tekst:

Javna ustanova „Internacionalna ljekarna/apoteka“ Vitez .

Pored ovog pečata –Internacionalna ljekarna/apoteka ima još 1(jedan) mali pečat promjera 25 mm.

Internacionalna ljekarna/apoteka može imati i druge pečate u zavisnosti od potrebe o čemu Odluku donosi Upravno vijeće/odbor u skladu sa Zakonom o pečatima.

Štambilj Internacionalne ljekarne/apoteke sadrži puni naziv ustanove, naziv organizacione jedinice (stručne službe, druge radne jedinice, ogranka, depoa) sa označenom signaturom.

IV DJELATNOST

Član 10.

Djelatnost Internacionalne ljekarne/apoteke je provođenje primarne zdravstvene zaštite koja obuhvata:

- opskrba lijekovima stanovništva, zdravstvenih ustanova i zdravstvenih radnika koji obavljaju privatnu praksu,
- nabavka, čuvanje, izdavanje gotovih lijekova na recept, i bez recepta, te izrada, ispitivanje magistralnih i galenskih pripravaka,
- proizvodnja farmaceutskih preparata,

- snadbijevanje pomoćnim lijekovitim sredstvima, pomoćnim sredstvima u liječenju i medicinskim proizvodima,
- snadbijevanje dječijom hranom i ostalim dijetetskim proizvodima,
- snadbijevanje sredstvima za njegu, unapređenje i očuvanje zdravlja, koje propiše farmaceutska komora,
- savjetovanje u vezi s propisivanjem i racionalnom primjenom lijekova i pomoćnih lijekovitih sredstava.
- nabavlja lijekove iz inostranstva za potrebe određenog pacijenta, a koji je trenutno nedostupan na tržištu Federacije Bosne i Hercegovine/ Bosne i Hercegovine i to uz predočenje recepta doktora medicine ili doktora stomatologije, kao i medicinske dokumentacije, a u skladu sa Zakonom o lijekovima i medicinskim sredstvima i propisima donesenim na osnovu tog Zakona.

V UNUTRAŠNJA ORGANIZACIJA

Član 11.

Poslovi i zadaci utvrđeni članom 10. Statuta mogu se obavljati unutar organizacionih radnih jedinica: ogranaka i depoa

Ogranak Internacionalne ljekarne/apoteke je dio Internacionalne ljekarne/apoteke koji osigurava snadbijevanje gotovim lijekovima stanovništvu, zdravstvenim ustanovama i zdravstvenim radnicima koji obavljaju privatnu praksu, kao i izradu i izdavanje magistralnih preparata.

Član 12.

Internacionalna ljekarna/apoteka može organizirati depo internacionalne ljekarne/apoteke. Depo Internacionalne ljekarne/apoteke je dio Internacionalne ljekarne/apoteke ili ogranaka Internacionalne ljekarne/apoteke u kome se mogu izdavati gotovi lijekovi, izuzev opojnih droga.

Član 13.

Odluku o organizovanju ogranaka i depoa Internacionalne ljekarne/apoteke donosi Upravno vijeće/odbor u skladu sa Zakonom o zdravstvenoj zaštiti i podzakonskim aktima i potrebama stanovništva

Član 14.

Radne jedinice iz člana 11. nemaju svojstvo pravnog lica.

VI OBAVEZE PREMA OSNIVAČU

Član 15.

Međusobna prava i obaveze između Internacionalne ljekarne/apoteke i osnivača uređuju se Zakonom o zdravstvenoj zaštiti (Sl. Novine SBK/KSB broj: 13/00, 13/02, i 13/03), Zakonom o ustanovama, drugim zakonima i Odlukom o osnivanju Javne ustanove „Internacionalna ljekarna/apoteka“ Vitez ("Sl. novine općine Vitez" broj: 6/03 i 2/05).

VII ODNOS PREMA KORISNICIMA USLUGA

Član 16.

Internacionalna ljekarna/apoteka će korisnicima usluga obezbjediti obim i kvalitet usluga utvrđen standardima usluga u zdravstvu.

Član 17.

Internacionalna ljekarna/apoteka će prilagoditi radno vrijeme potrebama korisnicima usluga u skladu sa odredbama Zakona o zdravstvenoj zaštiti, Zakona o radu i Odlukama ministarstva zdravstva i socijalne politike SBK/KSB-a.

VIII STATUSNE PROMJENE

Član 18.

O statusnim i drugim promjenama Internacionalne ljekarne/ apoteke odlučuje osnivač. U slučaju statusne promjene imovinska i druga prava i obaveze uredit će se odlukom o statusnim promjenama.

IX IMOVINA USTANOVE

Član 19

Imovinu internacionalne ljekarne/ apoteke čine prava i obaveze, pokretne i nepokretne stvari iskazane prema posljednjoj bilanci stanja, novac i prava koja stekne poslovanjem u skladu sa Zakonom.

Član 20.

X SREDSTVA ZA RAD USTANOVE

1. ugovorom sa Kantonalnim zavodom za zdravstveno osiguranje,
2. iz sredstava Proračuna Federacije i Kantona
3. iz udjela korisnika zdravstvene zaštite u pokriću dijela ili ukupnih troškova zdravstvene zaštite
4. ugovorom sa Federalnim ili Kantonalnim Ministarstvom zdravstva koja na temelju zakona financira iz proračuna Federacije ili Kantona
5. iz donacija,
6. iz drugih izvora na način i pod uvjetima određenim zakonima, aktom o osnivanju i Statutom Internacionalne ljekarne/apoteke

Član 21.

Internacionalna ljekarna/apoteka ima svoj transakcijski račun. Internacionalna ljekarna/apoteka ima sva prava i obaveze u platnom prometu koji pripadaju pravnom licu u okviru registrovane djelatnosti.

Član 22.

Internacionalna ljekarna/apoteka za preuzete obaveze odgovara imovinom kojom raspolaže.

Internacionalna ljekarna/apoteka odgovara za svoje obaveze u pravnom prometu sa trećim licima cjelokupnom imovinom – potpuna odgovornost.

Član 23.

Višak prihoda nad rashodima Internacionalna ljekarna/apoteka koristi za obnavljanje i razvoj svoje registrovane djelatnosti.

Član 24.

Raspodjelu sredstava Internacionalna ljekarna/apoteka vrši u skladu sa Zakonom i drugim propisima.

XI ORGAN UPRAVLJANJA INTERNACIONALNE LJEKARNE/APOTEKE

Član 25

Organ upravljanja Internacionalne ljekarne/apoteke je Upravno vijeće/odbor.

Član 26.

Upravno vijeće/odbor ima (5) članova i čine ga:

- predstavnici osnivača - tri (3) člana
- predstavnik zdravstvenih radnika ustanove - jedan (1) član
- prestavnik kantonalnog ministarstva zdravstva i socijalne politike - jedan (1) član

Članove Upravnog vijeća/odbora imenuje i razrješava osnivač na prijedlog kantonalnog ministra zdravstva i socijalne politike.

Predsjednika Upravnog vijeća/odbora imenuje i razrješava osnivač.

Djelokrug ovlaštenja i odgovornost Upravnog vijeća/odbora utvrđuje se Odlukom o osnivanju Javne ustanove „Internacionalna ljekarna/apoteka“, i ovim Statutom.

Član 27.

Upravno vijeće/odbor donosi:

- Statut i druga opća akta,
- imenuje i razrješava direktora,
- utvrđuje planove rada i razvoja
- utvrđuje godišnji program rada
- donosi finansijski plan i usvaja godišnji obračun
- usmjerava, kontroliše i ocjenjuje rad direktora
- odlučuje o prigovoru radnika na rješenje kojim je drugi organ određen pravilima Ustanove odlučio o pravu, obavezi i odgovornosti radnika iz radnog odnosa,
- rješava sva pitanja odnosa sa osnivačem
- odlučuje o korištenju sredstava preko iznosa utvrđenog pravilima ustanove,
- podnosi Osnivaču i Zavodu za zdravstveno osiguranje, najmanje jedanput godišnje, izvještaj o poslovanju ustanove,
- imenuje i razrješava vršioca dužnosti direktora Internacionalne ljekarne/ apoteke,
- vrši i druge poslove sukladno zakonu i Statutom.

Član 28.

Poslovníkom o radu Upravnog vijeća/odbora utvrđuje se način sazivanja sjednica Upravnog vijeća/odbora, pripremanje i održavanje sjednica, postupak predlaganja, usaglašavanje i odlučivanje, prava, i obaveze i odgovornosti članova Upravnog vijeća/odbora, djelokruga rada, uređenje, vođenje i izrada zapisnika, potpisivanje zapisnika i drugih akata Upravnog vijeća/odbora kao i druga pitanja od značaja za Upravno vijeće/odbor.

XII ORGAN RUKOVOĐENJA

Član 29.

Internacionalnom ljekarnom/apotekom rukovodi direktor.

Član 30.

Direktor ustanove:

- organizuje i vodi rad i poslovanje ustanove;
- predstavlja i zastupa ustanovu;
- poduzima sve pravne radnje u ime i za račun ustanove;
- zastupa ustanovu u svim postupcima pred sudovima;
- upravlja i drugim nadležnim tijelima;
- izvršava odluke Upravnog vijeća/odbora;
- predlaže Upravnom vijeću/odboru mjere za djelotvorno i zakonito obavljanje poslova za koje je Internacionalna ljekarna/apoteka osnovana;
- podnosi Upravnom vijeću/odboru plan i izvještaj o finansijskom poslovanju;
- odgovara za zakonitost rada ustanove;
- obavlja i druge poslove predviđene opštim aktima Internacionalne ljekarne/ apoteke i Zakonom;
- odlučuje o pravima, obavezama i odgovornostima djelatnika iz radnog odnosa

Član 31.

Direktora internacionalne ljekarne/apoteke, nakon objavljenog konkursa u sredstvima javnog informisanja, imenuje i razrješava Upravno vijeće/ odbor uz saglasnost kantonalnog ministarstva zdravstva i socijalne politike.

Član 32.

Za direktora Internacionalne ljekarne/apoteke može biti imenovano lice, koje pored općih uslova utvrđenih Zakonom ispunjava slijedeće posebne uslove:

- da je diplomirani farmaceut (mr.ph.);
- da ima najmanje 5 godina radnog iskustva u struci;
- da posjeduje organizacijske sposobnosti;
- da nije krivično kažnjavao, niti da se protiv njega vodi krivični postupak.

Član 33.

Konkurs za direktora Internacionalne ljekarne/apoteke na osnovu svoje Odluke raspisuje Upravno vijeće/odbor, 30 dana prije isteka mandata direktora Internacionalne ljekarne/apoteke.

Ako direktor nije imenovan u skladu sa Zakonom 60 dana od dana isteka konkursnog roka, odluku o postavljanju vršioca dužnosti donosi Upravno vijeće/odbor.

Vršilac dužnosti direktora postavlja se najduže na period do 6 mjeseci.

Vršilac dužnosti ima prava i dužnosti direktora.

Član 34.

O odluci o imenovanju direktora obavještavaju se učesnici konkursa najkasnije u roku od 8 dana od dana donošenja Odluke.

Svaki učesnik konkursa u roku od osam dana od dana prijema obavještenja, može protiv Odluke o imenovanju direktora podnijeti tužbu nadležnom sudu.

Član 35.

Ako direktor nije imenovan, te u drugim slučajevima kada radno mjesto direktora ostane upražnjeno, Upravno vijeće/odbor će bez konkursa imenovati vršioca dužnosti iz reda visoko stručnih radnika zaposlenih u Internacionalnoj ljekarni/ apoteci.

Član 36.

Direktor Internacionalne ljekarne/apoteke imenuje se na vrijeme od 4 godine.

Po isteku mandata ista osoba može na osnovu konkursa, ponovo biti izabrana za direktora.

Član 37.

Direktor može biti razriješen i prije isteka mandata na koji je imenovan:

- ako direktor to lično zahtjeva
- ako nastane neki od razloga koji, po posebnim propisima ili propisima kojima se uređuju radni odnosi, dovodi do prestanka radnog odnosa
- ako ne izvršava obaveze ugovorene s Kantonalnim zavodom za zdravstveno osiguranje, odnosno Federalnim zavodom za osiguranje i reosiguranje
- ako u svom radu krši propise i opće akte zdravstvene ustanove, ili ne izvršava odluke upravnog vijeća/odbora, ili postupa u suprotnosti s njima
- ako svojim nesavjesnim ili nepravilnim radom prouzrokuje zdravstvenoj ustanovi veću štetu, zanemaruje ili nemarno obavlja svoju dužnost, tako da nastanu ili bi lako mogli nastati poremećaji stanja pri obavljanju zdravstvene djelatnosti.

Ako Upravno vijeće/ odbor ne razriješi direktora zbog razloga propisanih u stavu 2 ovog člana u roku od 30 dana od dana saznanja za neki od razloga, odluku o razrješenju direktora donosi osnivač zdravstvene ustanove.

Upravno vijeće/odbor mora, prije donošenja odluke o razrješenju, obavjestiti direktora o razlozima za razrješenje i dati mu mogućnost da se o njima izjasni.

Član 38.

U izvršenju poslova iz svoje nadležnosti, a koji nisu definisani članom 30. direktor samostalno donosi Odluke, rješenja, uputstva i dr.

XIII UNUTRAŠNJI NADZOR

Član 39.

Internacionalna ljekarna/apoteka obavezno provodi unutrašnji nadzor nad stručnim radom službi i zdravstvenih radnika i zdravstvenih saradnika.

Za stručni rad Internacionalne ljekarne/ apoteke odgovoran je direktor Internacionalne ljekarne/apoteke.

Za stručni rad službi Internacionalne ljekarne/apoteke odgovoran je rukovodilac tih službi.

Član 40.

U Internacionalnoj ljekarni/apoteci se formira stručno vijeće.

Stručno vijeće Internacionalne ljekarne/ apoteke je savjetodavni organ direktora.

Stručno vijeće imenuje direktor i sačinjavaju ga: najmanje šefovi organizacijskih dijelova Ustanove.

U radu stručnog vijeća mogu učestvovati i zdravstveni saradnici.

Član 41.

Stručno vijeće zdravstvene ustanove:

- raspravlja i odlučuje o pitanjima iz područja stručnog rada
- predlaže stručna rješenja u sklopu djelatnosti
- predlaže stručne temelje za program rada i razvoj zdravstvene ustanove
- daje direktoru stručna mišljenja i prijedloge u pogledu organizacije rada i uvjeta za razvoj zdravstvene djelatnosti
- brine o provođenju unutrašnjeg nadzora nad radom radnika ustanove
- utvrđuje prijedlog članova Upravnog vijeća/odbora zdravstvene ustanove iz reda zaposlenika
- obavlja i druge poslove propisane statutom

XV DRUGI ORGANI INTERNACIONALNE LJEKARNE/APOTEKE

Član 42.

Za pripremanje i razmatranje opštih i drugih akata i materijala iz djelokruga rada Upravnog vijeća/odbora, za praćenje i savjetovanje Ustanove poslovne politike, kao i za proučavanje i razmatranje drugih pitanja u okviru djelatnosti Internacionalne ljekarne/apoteke, Upravno vijeće/odbor, odnosno direktor može obrazovati stalne ili povremene komisije.

Član 43.

XVI AKTI INTERNACIONALNE LJEKARNE/APOTEKE

Pored Statuta Internacionalne ljekarne/apoteke kao osnovnog akta Ustanove, u internacionalnoj ljekarni/apoteci postoje i drugi opći akti:

- Pravilnik o radu
- Pravilnik o unutrašnjoj organizaciji i sistematizaciji radnih mjesta (PRILOG 1 Pravilnika o radu)

- Pravilnik o plaćama (Prilog broj 2 Pravilnika o radu)
- i drugi akti utvrđeni Zakonom i podzakonskim propisima.

Akta iz svoje nadležnosti Internacionalna ljekarna/apoteka je dužna donijeti u roku od 6 mjeseci od dana usvajanja Statuta.

Član 44.

Prijedlog izmjena i dopuna Statuta mogu dati:

- općinsko vijeće kao osnivač Ustanove;
- jedna trećina Upravnog vijeća/odбора;
- direktor;

Član 45.

O izmjenama i dopunama Statuta raspravlja Upravno vijeće/odbor na način i po postupku propisanom za njegovo donošenje.

XVII ZASTUPANJE I PREDSTAVLJANJE

Član 46

Internacionalnu ljekarnu/apoteku predstavlja i zastupa direktor u zemlji i inostranstvu. Direktor Internacionalne ljekarne/apoteke je ovlašten da u ime i za račun Internacionalne ljekarne/apoteke zaključuje ugovore uz prethodnu saglasnost Upravnog vijeća/odбора. Upravno vijeće/odbor će svojom Odlukom ovlastiti direktora do kojeg iznosa može zaključivati ugovore, bez saglasnosti Upravnog vijeća/odбора. Direktor Internacionalne ljekarne/apoteke preduzima pravne i druge radnje, zastupa Internacionalnu ljekarnu/apoteku pred sudovima i drugim organima u okviru prava i odgovornosti, koje proizilaze iz djelatnosti Internacionalne ljekarne/apoteke. Direktor Internacionalne ljekarne/apoteke može dio ovlaštenja prenijeti i na drugo lice.

XVIII JAVNOST RADA

Član 47.

Rad Internacionalne ljekarne/apoteke je javan.

Javnost rada Internacionalne ljekarne/apoteke obezbjeđuje se:

- dostavom Izvještaja o radu Osnivaču;
- dostavom Izvještaja finansijskog poslovanja Osnivaču i Zavodu za zdravstveno osiguranje

Javnost rada obezbjeđuje se i oglašavanjem na oglasnim pločama Internacionalne ljekarne/apoteke i sredstvima javnog informisanja.

Direktor Internacionalne ljekarne/apoteke odlučuje i o drugim oblicima javnosti rada Internacionalne ljekarne/apoteke, vodeći računa o čuvanju poslovnih i drugih tajni utvrđenim Zakonom, posebnim propisima, općim aktima internacionalne ljekarne/apoteke i Odlukama Upravnog vijeća/odбора i direktora Internacionalne ljekarne/apoteke.

XIX PRELAZNE I ZAVRŠNE ODREDBE

Član 48.

Izmjene i dopune Statuta vrše se na način i po postupku za njegovo donošenje.

Član 49.

Upravno vijeće/odbor tumači Statut i druge opće akte koje donosi u okviru svoje nadležnosti.

Član 50.

Ovaj Statut stupa na snagu danom dobivanja saglasnosti Općinskog vijeća Vitez, a objavit će se u "Službenim novinama Općine Vitez".

U Vitezu, 26.05 / 2019. godine

**PREDSJEDNICA
UPRAVNOG VIJEĆA/ODBORA**

Ilhana Zolota